

續

校

碑

隨

美

(二)

汪介壽署



校碑隨筆卷二

漢

定海方若藥雨甫著

郎中鄭固碑隸書十五行行二十七字碑下右角闕落後訪得存二十字
又半字四有額篆書陰文八字在山東濟甯延熹元年四月

翁氏兩漢金石記謂第二行遂窮究于典籍之籍字全見暨籍字下膺
字猶見上半者明季迄乾隆四十二年以前之舊拓也每行只十九字
下截埋土中故拓作齊形稍舊拓本膺字全泐籍字尚存再後并籍字
泐矣近則第七行命字末筆下端且與石花連矣此碑下截自乾隆四
十三年戊戌定海藍嘉瑄掘出之始拓得行二十七字碑下闕落之石
先于雍正六年戊申李鵬得諸濟甯學泮池中牛氏金石圖說謂存二
十二字翁氏兩漢金石記謂存二十字又半字四足據近拓本只十九
字可見拓工太劣故也

倉頡廟碑隸書碑陽二十四行字數不可計碑陰存二列上八行下十四行

左側存三列上六行中五行下四行右側四列上三列各六行下存五行碑上穿左右皆有題字穿右者亦漢刻為熹平六年在陝西白水

熹延

五年正月

舊拓本第六行以傳萬嗣之嗣字完好第七行三綱六紀之紀字第八行非書不記之記字皆可辨今嗣字餘上半紀記等字全泐矣

封龍山碑隸書十五行行二十六字在直隸元氏

延熹七年

舊拓本第十三行穡民用章章字未損

唐咸通題名多失拓

桐柏淮源廟碑隸書十五行行三十三字末二行乃題侍祠官屬已佚元

至正四年甲申吳炳重書刻之在河南桐柏

延熹六年正月

帖估嘗割裱去其前後題記偽託漢刻錢氏潛研堂金石跋尾揭破之且謂朱錫鬯疑為後人重摹而不得其主名錫鬯謂碑闕靈佑二字此本却未闕又謂碑云盧奴張君今盧奴下闕一字非張字豈錫鬯所見又別一本耶今絕未見朱氏所述本帖估云別有碑摹本在北京今毀

○臨為父通作封記隸書十六行行二十四字至二十八字不等石歸山

東濟南金石保存所 延熹六年二月

石昔在山東鄒縣馬槽村半沒土中宣統元年勸業道蕭應椿查礦經此見而掘出之試拓數帋極草率文不易讀是年歸金石保存所次年有精拓本

未見著錄

惟漢永和二年歲在丁丑七月下旬臨乃喪慈父嗚呼哀哉故石立碑其辭曰父通本治白孟易丁君章句臨乃喪慈父嗚呼哀哉故石立主簿載不感悲臨兄弟四兄長真年加掩然至斯子推人李子何婦孫敬請靡不感悲臨兄弟四兄長真年加掩然至斯子推人李子何婦考考能過蚤離春秋王永遭疾賴有昭代不立言之王殘命切痛傷人亦謂苗能不道若喪由斯言之魂靈富貴無恙傳于子孫不可稱陳將作封曰序祖先亂曰陰陽變化四時分人幽時晝昏子故畢易宮震垢鑑永永墓清集神門子日月照幽時晝昏子故畢易宮震垢鑑永永失壽年升車下征赴黃子鳴月日延熹六年歲在癸卯積廿七永和二年歲在丁丑喪父來年購月日延熹六年歲在癸卯積廿七年功大作父封及并重萬七千二百世日畢成

土圭刻字草隸書三行首行四字後二行各五字歸長白托活洛氏 延熹七年

月五

光緒十三年直隸定州出土文曰延熹七年五月九日己卯日入時雨阮文達紀晉大興三年斷碑拓本謂右軍書體所從出乃觀此碑為時較先而用筆姿勢尤雄渾可推草書始祖

予得晉咸甯甄刻字筆勢頗似之甄文一作咸寧五年七月下一七字一作咸甯五年閏月十八日一作廿百枚三字文無重者附記于此

泰山都尉孔宙碑隸書碑陽十五行行二十八字碑陰上題五字篆書下

三列各二十一行有額篆書陰文十字在山東曲阜

延熹七年七月

稍舊拓本碑陽首行少習家訓之訓字下石損處與川旁中筆未連今則川旁連而言旁且泐下半矣第十行其辭曰之辭字尚存大半至第十四行殳字回尚可見者尤舊也若第九行凡百印高之高字下半未闕為明初拓本高字口與下泐處不相併為宋拓本

西嶽華山廟碑隸書二十二行行三十八字有額篆書陰文六字額左右有唐大和年間題字下有宋元豐年間題字舊在陝西華陰已佚重刻

所在不一處

延熹八年四月

明嘉靖三十四年乙卯地震碑毀畢氏關中金石記謂此碑世有兩本一為商邱宋氏聲所藏一為華陰王氏宏撰所藏按即明陝西東雲駒兄弟家本以贈武平郭宗昌者皆宋拓也宋氏本雍正初姜任修摹刻于揚州郭本今為曲阜孔繼涑所刻兩本字殘泐處悉同世有所謂全本則不足信若按華山廟碑所見凡三本一商邱宋氏本僅闕十字者一華陰王氏本朱竹筠有攷證闕一百五字一四明范氏本未翦裝宋元豐題字第一字已損後歸長白崇樸山厚其文孫景賢以贈托活洛端方闕字與華陰本同今三本均在托活洛氏均有石影本宋本上海先有石影本此外又有李芍農文田闕半之本據聞寶應劉氏尚有一本未見李本則墨描致傷又按范本即阮氏據以重刻者宋本即宗氏據以重刻者較他重刻本為勝王本近有以石影本覆刻其內實外跋俱可亂真

華嶽廟武都太守殘碑陰隸書存二列上七行下四行則半字一二字不等在陝西華陰無年月依王氏金石萃編附此

其上列第五行之上有一大字較小紙必餘首乃得拓及

孰金吾丞武榮碑隸書十行行三十一字有額隸書陽文十字在山東濟

甯

永康元年

舊拓本首行孝經論語等字孝字存末筆餘未損下且露漢字首第二
行正學優則等字亦未損今泐稍舊拓本孝字末筆不可見經字糸旁
損小半碑不著年月顧氏隸辨以為永康元年仍之

竹邑侯相張壽殘碑隸書為明人改為碑座存上截十六行行十五字中

鑿孔處佔十行行減四字在山東武城建甯元年五月

舊拓本首行其先蓋晉大夫之晉字尚可見今泐

衛尉卿衡方碑隸書碑陽二十三行行三十六字碑陰漫漶只辨二列如

門生故吏等字有額隸書陽文八字在山東汶上建甯元年九月

舊拓本碑陽第三行廬江太守之太字未損筆道第六行都尉將之將
字未損下南字清晰第七行悼慕儀之勅勞儀之二字未損近拓將字
泐南字漫滅儀字泐右下半并及之字若太字中微損將字下損少半

者稍舊拓本也。碑陰乃嘉慶四年己未十月錢唐黃小松易洗石見有字拓之。惟故吏故民門生等字最清晰。據瞿氏隸篇謂可辨者二十三行。其字數七十一字。以校嘉慶初拓本。故民東平中郡一行。郡字尚可。見其前一行。故吏京兆長安劉紀字口。隸篇長字劉字闕。審拓本實存也。

魯相史晨謁孔子廟碑。與史晨奏銘刻在一石。隸書。十七行。行三十六字。在山東曲阜。建甯二年三月

明季至國初拓本。每行末一字皆未拓。只三十五字。埋入土中故也。乾隆年間升碑後。乃拓全。然末一字皆餘半而已。若得舊拓本。每行三十六字。則宋元或明初拓本矣。奏銘。乾嘉間拓本。第二行闌弘德政之弘字。口上損。第五行乾以所挺西狩獲麟之乾字。左下角獲字。右上角損。至道光以後。乾字上下与右半皆損。狩字泐。獲字惟餘右下半。又第七行德亞皇代。雖有衰成之代字。衰字下損。至道光以後。代字衰字成字俱泐。又第八行尊先師重教化之先字。化字少損。至道光以後。先字師

字化字俱泐。又第九行有益於民矧乃孔子二字。泐其他各字損至道光以後。并於民二字泐。且下之玄德煥炳之德字。煥字亦泐。乾嘉間拓本與道光以後拓本更有大辨別處。在第四行肅肅二字。下一肅字。泐于道光初年。此肅字已泐本。不止如前所舉諸字損泐。後如第十一行出王家穀春秋行禮之穀字。左半亦泐。行字禮字亦泐。第十二行報稱之報字。上下右旁泐甚。稱字左旁亦泐。增異輒上之增字。輒字亦泐。誠惶誠恐之惶字亦泐。第十四行府治之治字亦泐。第十五行黑不代倉之不字。代字泐甚。嘆鳳不臻之鳳字中鳥亦泐。第十六行道審可行之道字亦泐。此校乾嘉間與道光以後拓本耳。在國初舊拓本第九行有益於民矧乃孔子之益於乃三字未損。第十一行春秋行禮之秋字損及禾旁。明拓秋字禾旁首筆亦損。明初或元拓本春字泐。秋字禾旁首筆可見。則上出王家穀之家字完好。若宋拓相傳并春秋之春字未泐。有摹本奏銘中石花多作芝蔴點。第二行臣晨之晨下以誤作以。又闌弘之弘口損。第五行為漢制作之漢字。右下角損如豆。第八行

祠字口不正原本皆不爾也謁孔廟碑後之唐人題字則失之遠矣近有石影本秋字禾旁已損之明拓本也

郭有道碑隸書十二行行四十字有額篆書陰文六字已佚後人重書刻

之在山西介休又作十六行行三十二字者在山東濟甯建甯二年正月

此碑據傳山謂宋南渡之前已不可見重刻本有二一即傳山書一鄭

簠書竝立郭之墓側世皆譏之前數十年山東濟甯忽得一石字篆斧

鑿痕相傳為郭有道碑原石因土人充作階石見有字人而足踐其上

大罪過乃用斧鑿殘云云碑固甚舊剝處已如水雲紋字雖斧鑿尚可

辨且有未殘者數十字末五行則磨細間多漫漶其時議舛至濟甯州

學行數作十六行行三十二字文中先生諱秦作諱太與諸家所述不

同後福山王文敏謂有人曾親視此石則知後面為武氏殘畫象果爾

非原石益有據至謂係州人李鐵橋東琪戲不作知何所攷細審拓本

蓋先刻而後剝蝕非就剝蝕之石刻之也然則去今亦遠矣

瀋于長夏承碑隸書十四行行二十七字有額篆書陽文九字已佚明唐

曜重刻之作十三行行三十字在直隸永年建甯三年六月

原石初剝落四十五字又久之刻刻下截百十有一字稱成化本又久之將勤約刻為勤紹稱嘉靖本此原石前後不同之故也唐曜重刻則取原碑刻刻為勤紹之嘉靖本勒石全文不闕而改為十三行行三十字見程氏通藝錄翁氏兩漢金石記辨論亦詳今之原拓石影本即豐道生楊繩祖跋後而為華氏真賞齋所藏歸吳縣陸氏再歸李春湖宗瀚者也闕三十字翁方綱書以補足之翁氏據此本校出重刻誤字二十字

婁壽碑

予友王孝禹云夏承婁壽二碑皆華東沙真賞齋故物夏碑中闕三十字婁碑首缺四十八字二碑當時煊赫海內漢陽葉東卿志銑雙鉤刻入平安館金石文字中婁碑為漢軍楊幼雲繼震所得旋歸常熟翁同龢家近日丹徒劉鐵雲得劉熊殘碑拓本已斷而為二凡百四又七字較北平翁氏據江德量汪中已慰祖三本會合鈎本只二百四十三字者多出一百六十四字蓋鈎本僅下半碑耳以較洪氏隸釋所載亦多

十一字計第十一行屢獲有年下多一字似仁第十二行盛德下多一
惟字第十三行官無曠事下多士無逸三字第十四行貧者下多不獨
二字第十五行悔下多二字一似往字一修字第十六行刊字下多石
旌二字附錄孝禹說後此拓有石影本旋歸長白托活洛氏

陳德殘碑隸書碑陽存十行行五字有額篆書陰文六字碑陰存十一行
行五字上題六字式與前額同前後上下每字間以方榻皆在山東沂
州今佚建甯四年三月

據牛氏金石圖說謂碑在沂州東南數十里田間邵陽褚峻迹得之捐
數本再往則土人埋之矣說雖如此當時頗有謂褚氏作偽惟翁氏力
辯之今別有摹本界綫作是畫非畫易辨

惠安西表摩崖隸書二十行行二十字有額篆書四字在甘肅成縣建甯四年

月六

舊拓過者創楚之創字口可見近泐作白空又後建甯二字舊拓本未
損

曾鞏南豐集疑有二刻。謂一作六月十三日。一作六月三十日。意所據三十日一刻。乃裝時割裂顛倒。誤十三為三十耳。不然。何後之人從未見耶。

博陵太守孔彪碑。隸書。碑陽十八行。行四十五字。碑陰十三行。多不拓。有額篆書陰文十字。在山東曲阜。建甯四年七月。

翁氏兩漢金石記。謂舊拓本。碑陽第五行膺字。第六行命字。第九行位字。第十一行遺字。第十四行辯字。皆未損。今據舊拓。第二行前後聘召之後字存半。今泐。舊拓第五行膺。臯陶之廉恕之膺字。中雖少損。上广一撇可見。今惟存右半一撇。以外泐處與下一行丙字并連。舊拓第六行。坐家不命之命字。損上二筆。今下右半亦損。又削四凶之削字。肖旁上小可見。今與刀旁下角俱損。舊拓第九行。辭官去位之位字。人旁損立旁上首損。今全泐。舊拓遺孤忉絕之遺字。上首與左偏少損。今全泐。第十四行。辯物居方之辯字。所見舊拓本已只存大半。今損無幾。居字則全泐矣。今拓本。往往于前二行末二字。第三行末字。遺拓。且碑陰只

十二行行十二字

豫州從事孔褒碑隸書十四行行三十字斜落已甚有額隸書陰文十字

在山東曲阜

無并月依王氏金石萃編附此

舊拓本雍正年間第二行繼德前葉之繼字未損迨乾隆初年即損小半至乾隆四十二年杭州何夢華元錫監工精拓本繼字已損大半然右下尚見幽如此今惟存末筆矣若得繼字完全無少損本則第三行多篇藉靡遺之遺字眾琦幼眇之幼眇二字第七行多莫敢藏匿之敢字第九行多臨難有勇之勇字近拓本有作十二行者似仁風既敷等字與末行表字已泐翁氏謂拓者紙稍窄每不見其後二行然則非泐也

沅州刺史楊叔恭殘碑隸書碑陽存十二行行一字至九字不等總計七十一字碑陰漫漶只辨孟堅仲尹書佐元盛叔舉等字碑側四行二十字大小相間歸長白托活洛氏

建甯四年七月

是碑嘉慶二十一年丙子四月魚臺馬邦玉移至家塾馬氏謂碑舊在

鉅野城南昌邑聚即漢昌邑國沅州刺史治酈道元濟水注荷水又東
逕昌邑縣漢景帝為山陽國王莽之鉅野郡也後更為高平郡大城東
北有金城城內有沅州刺史河東薛季象碑次西有沅州刺史茂陵楊
叔恭碑從事孫光等以建甯四年立按茲石末書七月六日甲子造范
氏後漢書靈帝紀建甯四年三月辛酉朔日有食之司馬彪續漢書五
行志亦同劉昭注引潛潭已日食辛酉之說由三月辛酉閱兩小建則
七月己未朔六日當得甲子又武都太守李翕西狹頌末書建甯四年
六月十三日壬寅造由壬寅後歷小建一則七月六日得甲子以是定
為建甯四年又據韓詩外傳曰牧者所以開四目通四聰續漢志劉昭
注刺史職引之此碑開聰四聽乃刺史職也

有摹刻本第七行第五字姑作一放字原本此字漫漶不可辨且原本
第九行開字中少損摹刻本亦姑作完好摹刻本有側無陰

李翕鴈池五瑞圖題記摩崖隸書二行共二十六字刻于惠安西表之後

在甘肅成縣建甯四年六月

刻適當山石轉角處下臨深潭艱于推拓此東武劉喜海云若按有此
二行并圖之題字上方左角黃龍二字與下截題名三行不遺方是李
翁龜池五瑞圖題記全拓

李翁折里橋鄰閣頌摩崖隸書十九行前九行二十七字自第十行起上
斜闕一角故末行只十七字在陝西畧陽建甯五年三月

國初拓本第九行末校致攻堅之校致二字未損至乾隆年間如石紋
斜泐校字存大半致字存半明申如壩有重刻亦在畧陽翁氏兩漢金
石記辨其補字多妄甚詳據顧氏隸辨謂額題隸書六字別有五行五
十七字泐十七字未見于重刻本則見此五行翁氏亦云

司隸校尉楊淮表摩崖隸書七行行二十五六字不等在陝西褒城

月二

熹平二年

舊拓本末行無黃門之黃字翁氏兩漢金石記闕之王氏金石萃編補
足之今據拓本黃字固未泐蓋當時遺拓也舊拓本遺拓黃字不奇以
其正當前行泐處乃竟有遺拓卞玉二字則奇

司隸校尉魯峻碑。隸書碑陽十七行。行三十二字。碑陰二列。各二十一行。有額。隸書陰文十二字。在山東濟甯。熹平二年四月

舊拓本第十二行宣尼二字。第十六行遐邇二字。皆未損。稍舊拓本遐字上左損少許。邇字下右損少許。近拓本宣字下損尼字。上損遐字。損已大半。邇字只存一二筆矣。若遐邇字末筆完好。則第

熹平殘碑隸書存八行。前半行八字。第二行十三字。第三行至第七行惟

五行無字。餘各十四字。末行一字。在山東曲阜。熹平二年十一月

碑為黃易訪得。時乾隆五十八年癸丑十月。無阮氏題識者。初出土拓本也有袁顏馮錢馬吳顧林江諸氏題名。與北平翁氏題名而無末後曲阜孔氏嵌石題識。尚是道光戊戌以前拓本也。嘉慶年間拓本阮氏題識字字完好。近多殘損矣。

武都太守耿勲碑。隸書二十二行。行二十二字。在甘肅成縣。熹平三年四月

第五行癸酉到官。重刻誤為六日。郎官明拓本已然。

石經尚書論語殘字。隸書尚書盤庚篇存五行。行五六七字。論語存為政